

古

謠

諺

古謠諺卷二十七

秀水杜文瀾輯

時人爲楊雄桓譚語

廣輿記

卷二 江南

鳳陽府人物漢桓譚字君山宿州

人博學有文章名光武欲以讖決疑桓譚諫出

爲六安丞著新論藏書甚多時人語曰

潛確類書卷八

十孝成帝翫弄衆書善揚子雲出入游獵子雲乘從又以桓君山藏多書待詔門下時人語曰

玩楊子雲之篇樂於居千乘之官挾桓君山之書富於

積猗頓之財

按原本作挾桓君山之書富於猗頓今據潛確類書增

古謠諺

卷二十七

是也

鑑湖諺

廣輿記

卷十三  
江西

吉安府山川鑑湖吉水諺曰

云

云屢驗

水繞鑑湖弦吉水出狀元

廬陵民爲劉竺歌

廣輿記

卷十三  
江西

吉安府名宦北朝劉竺守廬陵

二載民歌曰

云

每行縣則白鹿隨車

公家無負租私室有餘粟

丁溪諺

廣輿記

卷十八  
福建

泉州府山川丁溪德化諺云

云宋時一夕雷雨決流一縱一橫宛然丁字也  
邑人程揚休果高第

水畫丁羅簪纓

湖廣諺

地圖綜要

內卷  
湖廣

湖廣總論湖廣古荊州地江漢

若帶衡荆作鎮洞庭雲夢爲池衡鄰嶺左永接  
桂林鄖陽綰興元之口荊州受蜀江之沫辰沅  
南引六詔襄德北枕河洛邾走閩粵長沙界江

右蘄州與九江安慶三方鼎立中國之地四通  
五達莫楚若也楚固澤國耕稼甚饒一歲再穫  
柴桑吳楚多仰給焉諺曰云言土地廣沃而  
長江轉輸便易非他省比

湖廣熟天下足

颶風諺

地圖綜要

內卷  
廣東

廣東事宜風土紀南中五六月

長風迄七月止每發或三日或七日大害農穡  
南越志南海熙安間多颶風颶者具四方之風

也或曰懼風言怖懼也將發則兆以斷虹時爲  
颶母初則自東而北而西而南乃止未止時三  
日雞犬爲之不寧旣大至則林宇悉拔覆舟殺  
稼俗有云云之諺亦頗驗云

朝三暮七畫不過一

諸生稱陳選蕭鳴鳳語

一統志卷三十七江南統部名宦明蕭鳴鳳山陰人

正德時以御史督學南畿取士先德行後文藝  
誨諭懇摯諸生感悅以比前御史陳選稱之曰

陳泰山蕭北斗

上元民爲霍韜程燦歌

一統志

卷四

江甯府名宦明程燦南城人嘉靖

中知上元縣民居近孝陵者以誤殺苑中獸當  
死燦爭之法官得未減時霍韜官南京尙書有

惠政民爲歌云

云

考滿入都攜兩蒼頭跨驢

而行民釀金追贈笑而卻之

禮部霍韜天有日上元程燦月無雲

時人爲吳羽文謠

一統志卷五揚州府名宦明吳羽文南昌人江

都知縣民間向苦追攝羽文刻木爲胥令訟者

抱而去鞠則抱之來向任追攝者日植立於門

無所事一時有云之謠

木化爲人人化爲木

績溪南關橋水謠

一統志卷五徽州府津梁南關橋在績溪縣南

門外通志橋下有倒流朝縣水約九步謠日云

云是也

九步流東水

銅陵管山諺

一統志

卷六

池州府山川管山在銅陵縣東四

十里形類獅象諺曰

青獅白象爲銅保障

績溪邑人爲蘇轍葉楠歌

一統志

卷六

池州府人物宋葉楠貴池人爲鄱

陽尉值歲潦楠力請蠲租卹之後爲績溪令多

惠政邑人爲之歌曰

云

蘇黃門者轍也

前有蘇黃門後有葉令君

### 滁州豐山諺

一統志

卷六十六

滁州山川豐山在州西南五里唐

十道志滁州有豐亭山方輿勝覽沛豐人常居之故名上有漢高祖廟天欲雨常有雲氣發山

椒若巾帽然諺曰

云

州志豐山北爲幽谷地

汚下邃密四周皆山昏旭異態東下百餘步爲柏子龍坑一名龍潭西北頂上有雙燕洞深四

五丈能出龍雨

豐山着帽豐年之兆

廣靈鴉兒滙諺

一統志卷七十八大同府山川鴉兒滙在廣靈縣西

南四里鴉多飲啄於此中有古冰人感寒疾者

取飲之汗出即愈諺云

壽民丹水

青州民為陳勛謠

一統志卷一百五青州府名宦明陳勛沔人宣德初

擢青州知府興學造士教民孝弟力田每省耕

行縣繪爲勸農圖未幾以疾去民謠云

去陳府百姓苦

商河聶家窪諺

一統志

卷一百八

武定府山川聶家窪在商河縣西

舊志縣界有七十二窪遇豐倍收遇潦則一苗

不遺故諺有

云

之語

十年九不收一收勝十秋

溫縣百姓爲沃墅歌

一統志

卷一百二十三

懷慶府名宦明沃墅蕭山人洪

武初知溫縣時民艱於食墅令墾闢荒蕪樹藝

桑棗百姓歌曰

云

比代去民遮道留之

田野闢沃公力衣食足沃公育

鞏昌民爲戴浩歌

一統志

卷一百五十九

鞏昌府名宦明戴浩鄞人正統

中知鞏昌府歲大祲卽發儲三萬七千石賑貸

上疏待罪曰願以臣一人之命易千萬人之命

詔原浩而令民償所貸上官檄浩趣之浩曰瘡

痍未復而速征不如無賑約三歲遞償關山孔

道寇時劫掠商旅浩設方略殲之道路無虞民  
爲之歌曰

君侯守邊惠政無前我行我道蕩蕩便便

時爲趙登岳璿謠

一統志

卷一百一十七

湖州府名宦明趙登祥符人宣

德間爲湖州知府勵清操鋤豪橫勸大戶納粟

義倉定出入之法以備水旱考滿去官民乞留

增秩還任在官十七年政聲大著岳璿與趙登

同里天順間繼登爲知府奏定官田正耗之則

遂爲定制時爲之謠曰

賢守趙岳治行卓犖

江西民爲王哲謠

一統志

卷一百一十七

江西統部名宦明王哲吳江人

宏治中以御史巡按江西時大旱親錄罪囚出  
數百人翼日雨歲大稔有大家被盜誣其怨家  
賂鎮守論死哲訊釋之後果得真盜民爲之謠

曰

江西有一哲六月飛霜雪天下有十哲太平無休歇

安遠縣三百坑水諺

一統志卷二贛州府山川三百坑水舊志三百

坑水在安遠縣東南四十里其地有三百坑水

源出焉南流一百里至定南縣界爲九洲河始

通舟楫又二百五十里至廣東龍川縣界爲東

江又九洲河在定南縣東北百里自安遠縣流

入合楊枝橫江下厯高砂諸水又南入龍川縣

界諺云云指此水也

贛州九十九條河中有一條通博羅

興國長信瀧諺

一統志

卷二  
百二

贛州府山川衣錦瀧在興國縣東

錦鄉東以鄉名衣錦而名激江所經也崖石層起如人跨馬相近爲獅子灘有石屹立如獅又長信瀧在縣東二十五里狂瀾奔駛聲吼如雷俗號其上灘曰啞灘以船過禁聲也下曰泥灘以深不可測也諺曰

云

云

明初知縣唐子儀鑿

之其險稍平

龍下二瀧舟楫莫當

僧伽行歌

一統志

卷二  
百三

贛州府仙釋宋僧伽姓吳名文祐

信豐人祝髮爲僧居雩都明覺寺飲酒食肉與

市井浮沉嘗持松梢行歌曰

二云

人皆笑爲狂

蓋謂宋將興也

趙家天子趙家王

時人目戴金石金語

一統志

卷二  
百八

漢陽府人物戴金字純甫漢陽人

正德進士世宗時擢御史獨立敢言與黃梅石

金同表儀朝署時人目之曰

云

歷官至兵部

尚書

卷二百十黃州府人物石金字南甫黃梅人正德進士授御史立朝敢言與漢陽戴

金齊名江西副使胡士寧發宸濠奸狀逮詔獄舉朝莫敢言金力救之

楚有二金臺中錚錚

### 高州民爲嚴琥歌

一統志

卷二百四十三

夔州府人物明嚴琥開縣人成

化末爲高州同知時石城信宜二縣久饑民多

流亡琥捐俸賑濟化州吳川等縣歲礦鐵民苦

賠補無敢言者琥力請停止民歌曰

生我慈母活我嚴父

明詩綜卷一百作治我嚴父生我慈母

蒲江民爲安郁謠

一統志

卷二百五十

邛州名宦明安郁臨潼人正德

中蒲江縣典史歲大旱郁齋沐籲天積柴於紫

極觀誓不雨卽自焚至期大雨民謠曰

云其

後請於朝爲邑令廉能益著

安從周積柴樓感天雨民有秋昔無衣今有裘

福州九仙山諺

一統志

卷二百六十一

福州府山川九仙山府志九仙

古謠諺

卷二十七

曼陀羅華閣

在今城中東南隅舊名于山後改今名上有峰  
曰鼇頭峰亦曰狀元峰爲宋陳誠之讀書處南  
有小華峰其北小山曰羅山諺曰云是山及  
烏石越王其現者也羅山與侯官之冶山閩山  
其藏者也又有隱隱磅礴於闔闔閒者曰靈曰  
芝曰鐘故曰不可見云

三山藏三山現三山不可見

永福雁湖雪峰山古諺

一統志

卷二百六十一

福州府山川龍泉山在永福縣

東五十里其巔有湖曰雁湖地高水深與侯官  
雪峰山相望古諺云

雁湖深雪峰沈雁湖淺雪峰見

方山水諺

一統志

卷二百六十一

福州府山川閩江又南循縣南

五十里之方山西麓至仙崎山曰仙琦江亦曰

陽琦江又東至閩縣東南五十餘里與馬頭江

會二派合而東流江面益濶馬頭之北支流曰

上洞江其南曰下洞江中有獅子石與方山對

峙巨浸不沒諺云

水浸方山鼻不浸獅子耳

清源郡人爲薛昱歌

一統志卷二百六十四泉州府名宦唐薛昱天寶中爲

清源太守郡人歌曰

郡號清源官有清德

漁梁山諺

一統志卷二百六十七建寧府山川漁梁山在浦城縣

西北五十里舊志天下十大名山漁梁其一也

爲通衢所經其地寒甚諺云

云

有瀑布窅地

數百尺天下瀑居第三其水南流爲建溪北流

爲信溪昔人多堰水養魚其中

潛確類書卷二十昔人作鄉人

無衣無裳莫過漁梁

連城民爲李弇謠

一統志

卷二百六十九

汀州府名宦宋李弇崇安人紹

興間知連城政務寬平教以孝友有伍氏兄弟  
爭繼積訟不決弇以理開諭皆感釋民爲謠曰

訟者息爭居者安仁李公爲政百姓如春

歸善平湖諺

一統志

卷二百七十九

惠州府古蹟平湖閣在歸善縣

西輿地紀勝在豐湖泗州寺前枕湖倚山最爲

勝遊之地明統志諺云

二云

閣名本此

鰲湖平出公卿

射木山諺

一統志

卷二百八十一

肇慶府山川射木山在陽春縣

潛確類書卷二十一  
十二縣作山

東南十五里巍峩蒼鬱爲縣治

案山一名雲靈山雲幕其上則兩立至諺云

二云

云 上有射木神祠南漢封儲侯

雨未晴看雲靈

北障山諺

一統志

卷二百九十一

桂林府山川北障山在靈川縣

北二十里重巒疊嶂綿亘數里高踰千仞一名百丈山又名把仗山當風颺起則飛鳥迴旋不

能度諺

潛確類書卷二十一

稱云云謂此

鳥不過靈川

時人爲鄧盛語

一統志卷二百九十八梧州府名宦漢鄧盛字伯直蒼

梧人爲太尉諸曹掾時彭城相左尚以贓獲罪

三府掾屬拷驗踰年不竟更選盛覆拷盛至獄

沐尚解械賜席尚感盛至意卽引筆具對時人

語曰

一問得竟臯陶鄧盛

曲靖民爲焦韶歌

一統志卷三百六曲靖府名宦明焦韶灌縣人宏治

間授曲靖知府興學平賦弭盜招亡郡產嘉禾

民歌之曰

一本兩穗嘉禾滿田太守焦公其德格天

湖州民爲侯必登歌

一統志卷三百 澂江府名宦明侯必登江川縣人

嘉靖中進士歷官廣東潮州知府有倭警井里  
爲墟必登請罷一切苛條與民休息嘗以事至  
省經賊巢賊見之羅拜上官有強以事者必登  
曰我頭可斷事不可從也潮人愛慕有云之

謠

不可一日無侯公

大理民爲蔣雲漢語

一統志

卷三百十九

大理府名宦明蔣雲漢重慶人

成化間授大理知府操守廉約每聽訟先以善言感動至於泣下自引爲已罪然後剖決民相

語曰

云

去之日行李蕭然

不畏公箠但畏公唾

太和民爲楊南金謠

一統志

卷三百十九

大理府人物明楊南金字本重

鄧川州人宏治中進士授太和知縣民有三不

動之謠謂

云

也擢御史與劉瑾忤拂衣歸是

日卽行二百里瑾聞追之不及除其籍嘉靖中

起耆舊官江西參政

上官不動權豪不動財貨不動

瓜哇國諺

一統志

卷三百五十六

瓜哇風俗明統志其田膏腴地

平衍穀米富饒倍於他國民不爲盜道不拾遺

諺云

云

者此也

太平閹婆

清河水利語

天下郡國利病書

卷四北直三引清河志

衛河勢湍悍每

秋霖汎溢灌以漳沁安陽高村諸河之水洪濤

奔馳隄防稍不及卽衝決漫衍漂室廬沒禾稼

城池府庫岌乎殆哉而尖冢白廟弔馬橋諸口

其最要語曰

云

者此也無論口決脫有恒雨

浹旬則臨冠諸道之水數十里湃聚洪河蓮花

池田家窪諸所停蓄如盆盎田廬盡坐魚鼈中

語曰云者此也

開了口滄無走

倒坡水滄無底

嘉定訟獄言

天下郡國利病書

卷二十江南八引嘉定縣志

嘉定風俗又

有傾險狡悍之甚者睚眦之憾或先有借貸澀

迨一家之內有死者輒以告官禁人不服則求

檢驗檢驗則無不破家矣其言曰

人命無真假只在原告不肯罷

田土諺

天下郡國利病書

卷二十三  
江南十一

常州府徵稅唐鶴

徵曰河泊之稅歲徵銀六百兩而不足稅課司  
局歲銀一千三百三十兩而羨茶引所徵銀二  
十五兩而羨以一府之徵僅若此彰彰乎聖王  
之寬政遺不盡之利以與民矣第細民與替不  
時田產轉賣甚亟諺云云非虛語也契必稅  
其百之二三不無若重然亦多逋稅者

千年田八百主

溧陽馬政謠

天下郡國利病書

卷二十五江南  
十引溧陽縣志

溧陽國初惟

人丁多者養馬故有

云

之謠至嘉靖二十一

年知縣姜博始議民糧每石出銀二分六釐減  
丁之數而哀足之近因邊方多事兵馬急緊至  
一歲而預征二年之入又加之大工進銀咸取  
給於備用則馬一匹增其三分之一矣

糧逐水田逐馬

徐州楚王山里諺

古謠諺

卷二十七

曼陀羅華閣

天下郡國利病書

卷三十一  
江南十九

徐州城西二十五

里曰楚王山原注山皆赭土禹貢厥貢惟土五色土皆出此山下爲楚元王墓又有古塚古井

各數十迄今里諺猶謂

云云

山前九十九口井山後九十九口塚

按顧氏自序言此書皆採輯史志章奏文冊此條當亦採自志書後仿此

曹縣賦役謠

天下郡國利病書

卷三十九  
山東五

曹縣賦役原額均

徭應設官吏坐理治法甚善行之既久寢失初  
意每一役出輒下鄉索括金錢謂之攢回流小  
民不勝其擾故有云之謠至萬曆三年知縣  
王圻蒞任思爲一條鞭法卽古免役一切照地  
丁徵銀官爲雇役民甚便之

家有二頃田頭枕衙門眠

### 臨淄諺

天下郡國利病書

卷四十二山東  
入引青州府志

臨淄古爲都

會承富庶之風陵塚隆阜埋葬皆奢然卒起後

來發掘之禍諺傳

云

蓋本於此大概銅器僅

有存者亦略已盡矣

臨淄出古物

邊人爲敵情談一則

天下郡國利病書

卷四十五山西一引保德州志

嘗聞邊人之

談敵情者曰

云

言敵騎愈多則所入愈深也

又曰

云

言所統旣少則相機其宜也然敵情

先後巨細不同而應變規畫亦隨以異

百騎不避城千騎不避路萬騎不避鎮

鎮守戰原野，據分守戰山谷，斷守備戰溪岸，判

預備諺

天下郡國利病書

卷四十五 山西  
一引保德州志

國家禦敵四

時不徹備而獨曰防秋者，備敵之道謹烽明燧，  
堅壁清野而已。至秋則農人收穫，壁不可堅，禾  
稼棲畝，野不可清，敵或因糧於我，得遂深入而  
秋高馬肥，又恒憑強以逞，故防秋之兵遠地調  
集，主客相參，步軍受裨，馬軍列營，視四時獨加  
嚴焉。然兵以防秋盡而撤，此自常規，若自夏徂

冬聚而不散則客兵承調至本路土兵仍舊戍  
守而夏有修墻之役冬則偏頭防河皆所不廢  
諺曰云蓋言預也若一報掣兵諸防悉解事  
起倉卒束手無措又豈預備之道哉

冬不可以廢葛夏不可以廢裘

北人水旱諺

天下郡國利病書卷五十一

河南一

夫黃河之爲中州患

固矣然而有利存焉則人自棄之耳諺有之曰

云

云使近河之民效南方水車以製之而又分

區築港可通百里之遠則未必不爲利也無已  
則仿古井田之制每田百畝四隅及中各穿一  
井每井可灌田二十畝四圍築以長溝深濶各  
丈餘旱則掣井之水以灌田潦則放田之水以  
入溝不庶幾有備哉余嘗試爲之計穿田築溝  
之費不逾百金所謂一勞永逸者此也矧其利  
更有大焉者乎

北人水旱聽命於天

鄖陽諺

天下郡國利病書

卷七十二  
湖廣一

鄖陽介雍梁之交

控引宛洛蔽翼襄郢其地多崇岡豐箐四方遊  
民其瑣尾化離與挺而走險者多逸其中久而  
滋煽因易爲亂承平以來劇盜數起一方倣擾  
四方同憂始議更易爲郡治之繼命中臺大臣  
開府秉鉞爲重鎮焉然後威略撫綏逆節銷伏  
諺曰云今四民安堵如故但其山勢岩險駢  
附稱盜穴者蓋多有之往歲保康殺長吏之事  
煩矣卽安服猶宜兢兢云

何知盜穴山岩輩哉

江陵李家堤諺

天下郡國利病書

卷七十三  
湖廣一

江陵縣原注李家

堤在縣西三十里當水勢之衝宏治十三年堤

決淹溺甚衆知府吳彥華修築堅厚至今賴焉

諺曰

云

云 關係甚重

水來打破李家堤荆州便是養魚池

蜜溪神潭諺

天下郡國利病書

卷八十二  
江西二

貢水與章水合而爲

贛歷十八灘經萬安蜜溪水出鵝公嶂西流入  
之水甘冽可瀹茗十八灘中惶恐灘最險上有  
神潭潭旁種茶甚美故諺云

蜜溪水神潭茶

浙江田土俚諺

天下郡國利病書

卷八十六浙江四引浙江通志

浙江田賦書

田賦之輸奉有著令自嘉靖初年以輸海倉不  
便且海下官員又便於得銀故復半爲本色半  
爲折銀丁田正差以人爲丁以田準十五畝爲

丁至黃仁山始視差法準以十畝爲輕此略從  
輕民之意也然田之重已加十五矣今則不論  
詭寄皆如仁山加之丁矣官田日以稅重凡丁  
差皆不及今則半民田矣又一切諸價及兵費  
皆以田派日以輕無田之小民也然田未必皆  
腴又時有水旱山荒之災計租之入大約雖腴  
田亦半稅於官矣又邇令修城大戶以田兵餉  
大戶以田置硝黃等大戶以田一切爲額外之  
徵以田其賠償之費至售田以供而猶不足故

俚人之諺曰

云

又曰

云

傷哉風矣

將錢買田不如窮漢日安眠

有田應門戶因田成禍門

漳州民爲佃戶謠

天下郡國利病書

卷九十三  
福建三

漳州府田賦官民

田又分爲三主大凡天下土田民得租而輸賦  
稅於官者爲租主富民不耕作而貧無業者代  
之耕歲輸租於產主而又收其餘以自贍給爲  
佃戶所在皆然民間仿效成習久之租與稅遂

分爲二而佃戶又以糞土銀私授受其間而一  
田三主之名起焉原注案佃戶出力耕田如傭  
雇取值豈得稱其田主緣得田之家見目前小  
利得受糞土銀若干名曰佃頭銀田入佃手其  
狡黠者逋租負稅莫可誰何業經轉移佃乃虎  
踞故有云之謠皆一田三主之名階之爲厲

久佃成業

時人爲葛皓李璋簡沛章極諺

天下郡國利病書

卷一百三  
廣東七

新會縣宏治十二

古謠諺

卷二十七

曼陀羅華閣

年設縣以後溫邊白石諸村小民猶習故爲盜  
正德中寇劫浸甚賊首許車保起於白石陸四  
起於大朗聲勢大肆剽掠鄉村歲無寧日居民  
逸竄流離尤甚嘉靖二年閏四月乃調集土兵  
合官民兵一萬餘名布政使章極駐新會參政  
葛皓參將李璋駐新寧團使王大用駐恩平知  
府簡沛駐海宴遣兵四出剿捕溫邊白石等處  
羣盜望風喪膽竄逃百鋒山諸處藏匿時章在  
新會凡獲盜令於路中識別同類隨賊所指卽

執而戮之沛在海宴亦多殺戮渠魁陸四兵敗  
亡命沛輒指平民藏匿因緣爲利凡客居海宴  
者咸受其辜惟葛皓用兵有紀淑慝詳明民多  
賴之時有諺云云後陸四竟不獲旋師之後  
知縣胡綸誘出殺之

遇葛李則生逢章簡必死

浪水魚蟹諺

天下郡國利病書

卷一百六  
廣西二

浪水浪與垠同水

歷地均崖岸之義世訛作浪又訛作郎皆非蓋

古諺諺

卷二十七

曼陀羅華閣

三江合一大浸連空廣州呼爲西水以其自廣  
西至故云然至必以春夏之交迄處暑而後消  
消則高要峽江旋東爲大水者留溢渴塘皆俱  
有魚物躍其中人恣取之有鉅至數十斤者而  
南海下流達於新會香山東莞通潮之衝漁子  
高下爲泥筓竹罾其內者皆得蟹焉西水退盡  
蟹亦退殼拾之如土芥然諺云二云蓋澤國之  
利皆由浪水不可不知

西水漫漫魚蟹滿盤

行人爲摩泥七亭謠

天下郡國利病書

卷一百八 雲南二

雲南旅途志摩泥

七亭而達普市有一碗水坡泥行如雪山關行

人謠云

云云

大抵黔中爲古牂牁郡古志云上

值天井故多雨源信然

摩泥普市天三日無雨似神仙

正山謠

方輿紀要

卷二十八 江南十

甯國府旌德縣正山縣西

三十里峰巖峭峻泉石錯列謠云

云云

南唐屯

成於此以備吳越

正山巍峩接星斗分別岡巒九十九

澗水古諺

方輿紀要

卷三十五  
山東六

青州府益都縣北陽水在

城西源出九迴山一名濁水又名長沙水亦謂

之澗水水經注淄水合濁水濁水東北逕廣固

城西亦曰澗水石趙攻曹嶷於廣固望氣者謂

澗水帶城非可卒拔南燕慕容超末河凍皆合

而澗水不冰超惡之其臣李宣曰澗水無冰由

由逼帶京城近日月也超悅旣而劉裕來攻議  
者謂塞五龍口城必當陷塞之果驗古諺云  
蓋謂此水云

澗水不冰瘦馬不渡

華林山諺

方輿紀要

卷八十四  
江西二

瑞州府高安縣華林山府

西北七十五里有元秀峰相近有主嶺南北三  
寶嶺嶺皆山勢危峻正德七年官兵分屯於此  
進討華林山賊諺云

若要華林敗三寶去立寨

慵嶺諺

方輿紀要

卷八十七  
江西七

吉安府永豐縣慵嶺縣南

二百里嶺路崎嶇登陟甚艱相近有高霄嶺極

高聳諺云

高霄慵隔去天三尺

葫蘆山語

方輿紀要

卷九十三  
浙江三

嘉興府海鹽縣葫蘆山在

縣西南二十五里海中東北去澈浦鎮四里潮

汐消長如葫蘆出沒故名語曰云下有葫蘆

寨

潮生潮落葫蘆自若

延平邵武諺

方輿紀要

卷九十七  
福建三

延平府帶兩溪之秀控羣

山之雄襟喉水陸爲七閩要會楊氏時曰崇山

峻嶺爲其郭郭驚湍急流爲其溝池清明偉麗

爲東南最諺曰

云

云言其險要可守也

卷九十  
八福建

四邵武府居列郡之上游作全閩之門戶下三關出樵川勢如建瓴矣

銅延平鐵邵武

釣魚臺諺

方輿紀要

卷一百一  
廣東一

肇慶府高要縣大江在府

城南元和志端州當西江口入廣西要道今自

廣西三江而來繞郡城而東南入廣州府境注

於海每濤雨則江漲暴至且爲羚羊峽所束郊

原皆溢諺曰

云

釣魚臺者峽中山也

水浸釣魚臺上下不通來

古語彙卷二十七終

古謠諺卷二十八

秀水杜文瀾輯

太白山俗語

三秦記太白山在武功縣南去長安三百里不

知高幾許俗云

云

山下軍行不得鳴鼓角鳴

鼓角則疾風暴雨兼至也

按此條原文多訛脫今據御覽卷四十所

引參訂

玉堂閒話作彼中諺

風雅逸篇卷

八及古詩源均作民謠蘇詩邵注作三秦謠廣記卷三百九十七引玉堂閒話興元之南

有大竹路通於巴州其路則深谿峭巖捫蘿摸石一上三日而達於山頂復登措大嶺其絕頂謂之孤雲兩角崎嶇險峻之狀未可殫言潛

確類書卷十一引周地圖記此嶺之南古巴國也孤雲勢極險峻上有兩峯對峙故曰兩角

劍南詩橐卷三十四雨夜詩自注引此釋云蓋卽褒斜道上也按原書及御覽所引僅解太

白山之語而孤雲兩角等語均未申釋當係刪削故引各書補之

武功太白去天三百尺尺字原本無孤雲兩角去天一

握山水險阻黃金子午蛇盤烏櫳氣與天通按華陽國志南中志

作盤羊烏櫳氣與天通惟彼處所述與此迥別故仍並錄於此又按下六句原本無玉堂閒話僅載孤雲二句

而不引三秦記今據風雅逸篇及古詩源所引補之

### 隴頭俗歌

三秦記隴西關其阪九迴不知高幾里欲上者

七日乃越高處可容百餘家下處數十萬戶其

上有清水四注俗歌

潛確類書卷二十曰云  
四作北人升隴歌

云

去長安千里望秦川如帶關中人上隴者還望  
故鄉悲思而歌則有絕死者

隴頭流水鳴聲幽咽遙望秦川心肝斷絕

御覽卷五十  
心肝作肝腸

卷一百六十四幽作鳴卷五百七十二  
咽作噎潛確類書卷二十四鳴作其

震關遙望秦川如帶

此則原本無據太平寰  
宇記卷三十二所引補

按續漢書郡國志注引秦州記與此不同今兩載之

渡海往大秦國者謚

三秦記逸文

據御覽卷三百七十七

燉煌西盡大秦隔海

心無憂遇善風不經二十日得渡心憂數年不

得渡諺曰

心無憂患不經二旬心若憂患遠離三春

御覽卷四百六十九所引

輕經作

甯戚飯牛歌

三齊記逸文

據孟子子疏

齊桓公夜出迎客甯戚疾擊

其牛角高歌曰

云

桓公乃造與語說之遂以

爲大夫

南山粲白石爛生不遭堯與舜禪短布單衣適至胥從

昏飯牛薄夜半長夜曼曼何時旦

史記鄒陽傳集解引應劭注粲作研遭作

逢

文選嘯賦注引應劭注粲作嗟峨曼曼作暝暝

適

藝文類聚卷九十四引琴操粲作研爛作爛遭作逢

百

七十二引淮南子作南山粲白石爛短褐單裳長至

胥

生不逢堯與舜禪終日飼牛至夜半長夜漫漫何時

旦

按今本淮南子無此條文選嘯賦注所引另是一

歌

與御覽不同說文長箋卷九十粲作

爛

爛作燦第三句作短袴禪衣直至胥

按說郛卷六十一列三齊記未載此條今據孟子疏

錄之

又按此歌凡三見文各不同一見於此一見文選嘯

賦注引淮南子係逸文一見藝文類聚卷四十三盧氏文昭云三歌真贗雖不可知合之亦自成章法陳氏嗣清云疾商歌殆非一歌也今取其說分列於淮南子及藝文類聚以備參考焉

成武父老爲王譚歌

吳錄逸文據御覽卷四王譚字世容爲成武令

樂府詩集卷八十成作城民服德化宿惡奔迸父老歌之曰

王世容治無雙省徭役盜賊空樂府詩集卷八十治作政

廣陵爲陸稠諺

吳錄逸文

據御覽卷四  
百九十六

陸稠字伯羸爲廣陵太

守姦吏斂手廣陵諺曰

解結理頰我國陸君

案說郛卷五十九列吳錄未載此二條今據御覽錄  
之

泡魚蒿豬諺

粵志箭豬卽封豕也封豕初本泡魚泡魚身有  
棘刺故化爲豪豬毫在項脊間尺許如箸白本  
黑端人逐之則激毫以射人其毫如蒿然亦曰

蒿豬故諺曰

明詩綜卷一百注云泡魚大如斗  
身有棘刺化爲蒿豬齒長入海復

化爲  
魚

朝爲泡魚暮爲蒿豬朝爲嬾婦暮爲奔鮓

二句原本無  
據南粵筆記

補

南土人爲牡蠣語

南越志逸文

據御覽卷九  
百四十二

南土謂蠣爲蠔甲爲

牡蠣合澗洲牡蠣土人重之語曰

云也

得合澗一蠔雖不足豪亦可以高

酉陽雜俎卷  
十六可作足

案說郛卷六十一列南越志未載此條今據御覽錄

之

黃牛灘行者語

荆州記宜都西陵峽中有黃牛山江湍紆迴途

經信宿猶望見之行者語曰吳船錄卷下作古語入蜀記卷六

作諺水經注卷三十四江水黃牛灘南岸重

嶺疊起最外高崖間有邑如人負刀牽牛人黑

牛黃成就分明既人跡所絕莫得究焉此巖既

高加江湍紆迴雖途運信宿猶望見此物故行

者謠曰云云言水路行深迴望如一矣項氏細云邑當作石

朝發黃牛暮宿黃牛三朝三暮黃牛如故水經注無下二句藝文

類聚卷七朝作日御覽卷五十三引荆州記朝作日

暮作夜入蜀記發字宿字均作見二三字均作一

古謠諺卷二十八曼陀羅華閣

吳船錄引此云言其山峇巖終日猶望見之然余順流而下回首卽望斷如故之語亦好事者之言耳

五

盛宏之引楚諺

荊州記枝江縣西至上明東及江津其中九十

九洲楚諺曰

云

桓元有問鼎之志乃增一爲

兩以充百數僭號旬時身屠宗滅及其傾覆洲亦銷毀至宋文帝在藩忽生一洲果龍飛江表

元兇之禍此洲還沒

洲不滿百故不出王者

水經注卷二十四上句作洲下石案通鑑卷一百六十五胡注

引荊州記及項氏細校語皆作洲不百然此有滿字意尤明顯也長短經霸圖篇注作洲滿百荊州出天子

麥城諺

荊州記逸文

據輿地紀勝卷七十八

麥城東有驢城沮水

之西有磨城傳言伍子胥造此二城以攻麥城

諺云

東驢西磨麥自破

寰宇記麥下有城字

人爲太白山橫雲語

長安志

卷十四

武功縣太白山周地圖記太白山

甚高上常積雪無草木半山有橫雲如瀑布則  
樹兩人常以爲候驗之如離畢焉故語曰

南山瀑布非朝則暮

人爲洪堰量水語

長安志圖洪堰制度聖朝因前代故迹初修洪  
口石堰凡水廣尺深尺爲一微以百二十微爲  
準守者以度量水日具尺寸申報所司憑以布  
水各有差等注云今口平流閘下石渠岸裏有  
一石龜前人刻以誌水者也爲之語曰 云  
云嘗  
聞主守者曰今水雖至其則猶不及全微蓋渠  
底不及古渠之深也

水到龜兒嘴百二十微水

陸機引洛陽俗語

洛陽記銅駝街在洛陽宮南金馬門外人物繁

盛俗語云

御覽卷一百五十八引作洛下道有銅駝街漢鑄銅駝二枚在宮南四會

道相對俗語曰云云

通鑑卷

八十七胡注下道作洛陽餘同

金馬門外聚羣賢銅駝街上集少年

御覽及通鑑注聚羣作集衆街作陌

射的山謔

會稽記逸文

據御覽卷四十一

山有石室云是仙人射

堂東亭巖有射的石遠望的的如射侯形圓視

之如鏡土人常以占穀食貴賤射的明則米賤

暗則米貴諺曰

哲匠金籽引作會稽謠卷四十八引郡國志曰射的山

御覽

者古老相傳云上有玉在石壁內南面遙望似有白處曾有胡人來取上山後遇風雨不果得

今遠望頗似射候故名射的焉

射的白斛一百射的元斛一千

水經注卷四十江水篇兩一字均作米廣記

卷三百九十七引洽間記二斛字上均有米字

輿地

紀勝卷十作射的白米斛百射的黑米斛千

方輿勝

覽卷六作射的白米斛百射的元米斛千

哲匠金桴二斛字均作斗均藻卷四二斛字均作斗

按說郛卷六十一列會稽記未載此條今據御覽錄

之

五蓋山鄉人占年諺

湘中記五蓋山山有五峰望之如蓋鄉人每歲

以雪占年豐諺云

按諺字原本無據潛確類書卷十九補

五蓋雪普米賤如土雪若不均米貴如銀

占霧諺

湘潭記十二月霧來年旱禾傷諺云

云酉日

尤驗

臘月有霧露無水做酒醋

堯峰院俗語

吳郡圖經續記

卷中寺院類

堯峰院在吳縣橫山旁

俗傳堯民於此避水蘇子美詩云西南登堯峰

俗云

云

謂此也唐末慧齊禪師首建精舍名

曰兔水後改曰堯峰蓋亦有所傳也登高極目

鄰州隱隱然

堯所基洪川不能沒上有萬衆棲

錫山古謠

常州圖經惠山之側有錫山其山出錫古謠云

云

故縣名無錫全唐文卷四百三十三陸羽

云

遊慧山寺記慧山古華山也

山東峰當周秦間大產鉛錫至漢興方殫故劍  
無錫縣屬會稽後漢有樵客山下得銘云有錫  
兵天下爭無錫甯天下清有錫診天下弊無錫  
又天下濟自光武至孝順之世錫果竭順帝更  
爲無錫縣屬吳郡故東山謂  
之錫山此則錫山之岑嶽也

有錫兵無錫甯輿地紀勝卷七引古識作無錫甯天下平有錫爭天下兵

京口士大夫語

嘉定鎮江志卷二十一紀異京口江山素號奇偉故承

平時士大夫至順鎮江志卷十二作古諺有云之語紹興

罷兵屯大軍於江上向時公卿甲第與夫名勝  
之迹率爲營砦所占穿鑿殆徧近歲江上諸帥

多生於此亦江山之秀不在此而在彼也守臣  
寶學劉子羽嘗曰子若早來則當置諸寨於新  
豐蓋新豐地平如掌庶不至壞山川之形勢云  
生居洛陽死葬朱方

鞭春看燈里諺

至順鎮江志

卷三  
歲時

歲時雜記立春鞭牛訖庶民

雜遯如堵頃刻間分裂都盡又相攘奪以至傷  
毀身體者歲歲有之得牛角者其家宜蠶亦治

病故里諺

闡範注  
無里字云

好男勿鞭春好女勿看燈

閨範注作美女不  
觀燈好男不看春

古謠諺卷二十八終